

Kalaallit Nunaanni kisitsisit atukkagut danskinit pissarsiarisagut taarserlugit Asiamiut kisiteriaasiannik taarserneqarsinnaanerit pillugu apeqquteqaat allaavigalugu oqallinnissamik siunnersuut.

(Inatsisartunut ilaasortaq Michael Rosing, Demokraatit)

Akissuteqaat

(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)

Apeqquteqaat aallaavigalugu oqallinnissamik siunnersuuteqartoq saqqummiussaanut qutsavigaara.

Apeqquteqaat aallaavigalugu oqallinnissamut siunnersuuteqartup kissaatigaa oqalligissagippat maani nunatsinni danskis kisitsisaataannik atuinerput Asiamiut kisitsisaataannik taarsersinnaanerippat.

Paasivara siunnersuummi isumannaarniarneqartoq kisitsisinik atuinitsinni matematikkimik ilinniarnarup siuarsarneqarnissaa siunertarineqartoq. Tunngaviummik siunertaq pitsaasoq isumaqatigaara, taamaattumillu ilinniartitsinermi siursaataasinnaasut tikilluaqqusaajuassappat.

Taamaakkaluartorli aamma isumaliutaasut arlalitsigut ajornartorsiutinik tigussaasunik pilersitsissasut takusinnaavara.

Ilinniagaqartut, ilaqutariippasuit sulisullu nunatta Danmark-illu akornanni akulerulluinnarsimanerat paarlaasseqatigiittarnerpullu eqqarsaatigalugit nalorninartortaqartippara allanngineq pineqartut ittoq piviusunngortinneqarsinnaanersoq, - aamma eqqarsaat nunatsinnuinnarluunniit iluaqutaasunik kinguneqassagaluarpat. Ernumanartoqartippara taamatut allanngineq inuusuttunut Danmark-imi ilinniagaqarniarlut suliffeqarusuttunulluunniit aporfissamik pisariaqanngitsumik pilersitsissasoralugu, taakkua kisitsisinik atuinermik ilisimasaqarfiginngisaminnik naapitsisalissappata.

Oqallilluartoqarnissaali qilanaaraara, tassami neriutigigakku isumassarsiatsialannik saqqummersoqarsinnaanera, oqallittoqarnissaanik kissateqarnerup nammineq siunertaanut ilapittuutaasinnaasunik, meerartatta matematikkimik ilinniagaqarneranni pitsaanerulersitsisinnaasunik saqqummiussisoqarsinnaassappat oqallisigineqarsinnaasunik.